

## ТАНИЛЦУУЛГА

“Итгэлцүүр батлах тухай” Засгийн газрын  
тогтоолын төсөл боловсруулсан тухай

2024 оны 06 дугаар сарын 27-ны өдөр

Улсын Их Хурлын чуулганы 2023 оны 07 дугаар сарын 07-ны өдрийн нэгдсэн хуралдаанаар Нийгмийн даатгалын ерөнхий хууль /шинэчилсэн найруулга/-ийг баталсан.

Нийгмийн даатгалын ерөнхий хууль /шинэчилсэн найруулга/-ийн 22 дугаар зүйлийн 22.2 дахь хэсэгт “Итгэлцүүрийг улсын дундаж цалин, хэрэглээний үнийн өөрчлөлттэй уялдуулан Үндэсний статистикийн хорооны саналыг үндэслэн Засгийн газар жил бүрийн 08 дугаар сарын 01-ний өдрийн дотор тогтоож, дараа жилийн 01 дүгээр сарын 01-ний өдрөөс мөрдөнө” гэж заасан.

Хуулийн дээрх заалтыг хэрэгжүүлэх зорилгоор “Итгэлцүүр батлах тухай” Засгийн газрын тогтоолын төсөлд Үндэсний статистикийн хорооны 2024 оны 07 дугаар сарын 03-ны өдрийн 03/506 дугаартай албан бичгээр санал авсан.

Засгийн газрын 2023 оны 06 дугаар сарын 21-ний өдрийн 238 дугаар тогтоолын хавсралтаар баталсан итгэлцүүр нь 2022 он суурьтай бөгөөд 2024 онд батлах итгэлцүүрийг 2023 он суурьтай баталж, 2025 оноос мөрдөнө.

Энэхүү тогтоолыг хэрэгжүүлэхэд шаардлагатай 7.5 тэрбум төгрөгийг нийгмийн даатгалын сангийн төсвийн 2025 оны жилийн хязгаарын саналд тусгасан.

Итгэлцүүр шинэчлэн батлагдсанаар 2025 онд шинээр тэтгэвэр тогтоолгох даатгуулагчдад зарцуулах хөрөнгийн хэмжээ

| Шинээр тэтгэвэр тогтоолгох хүний тоо | Итгэлцүүрээр тэтгэвэр нь өсөх хүний тоо | Дундаж цалин /мянган төгрөг/ | Итгэлцүүрээр өсөх дундаж цалин /мянган төгрөг/ | Тэтгэвэр бодох дундаж хувь | 2025 онд нэмж зарцуулах хөрөнгийн хэмжээ /тэрбум төгрөг/ |
|--------------------------------------|---|------------------------------|--|----------------------------|--|
| 40,000                               | 13,000                                  | 1,881.0                      | 2,029.0  | 60%                        | 7.5  |

ХӨДӨЛМӨР, НИЙГМИЙН ХАМГААЛЛЫН ЯАМ